

ЕРТІС

ПАВЛОДАР ОБЛЫСТЫҚ

ҚОҒАМДЫҚ ГАЗЕТ 1999 жылдан бастап шығады

№07 (77). 2008 жыл. 23 қыркүйек

ДИДАРЫ

Бес жылға жуық сарғая күткен күнде туып, 2002 жылдың 26 қыркүйегінде Қаныш есімі Керекудің ең бір өсем де әрі тарихи көшесіне танылды. Бес жыл деп отырғанымыз «Академик Қаныш Имантайұлы Сәтпаевтың 100 жылдық Мерейтойын өткізу турасында» облыс әкімінің 1998 жылдың 29 шілдесінде (№ 246) қабылданған шешімінен кейінгі кезең. Осы құжатта бекітілген іс- шаралардың бірінде ғалымның туғанына 1999 жылдың 12 сәуірінде 100 жыл толуымен байланысты қаладағы орталық көшелердің бірі Дзержинский көшесінің атауын өзгертті, оған академик Сәтбаев есімін беру ұйғарылған. Алайда шешім өз кезеңінде орындалмай қалған. «Игіліктең ерте – кеші жок» деген ғой. Ғарыш шырақтарының біріне есімі қойылған ғұлама бабамыз енді міне өзінің туып-өскен қасиетті өлкесі-Ертістің Павлодар өңірінің ұлыларға лайықты төрінен орын алды. Осыншама маңызды тарихи оқиғаның куәгері болғанымызды мақтан етеміз. Көңіл асқақтап, алабуртқан қуаныш сезімі билесе де парасаттылыққа жеңгізіп, «тәубе» дейміз. Қанекенді құрметтеудің арқасында тағы да екі көше ұлт зиялылары – Көкім Есенәлиев және генерал Дүйсенов есімдерімен аталды. Бұған да шүкіршілік етеміз. Заңды ма, заңсыз ба, қалай болған күнде де қалалық мәслихаттың құзырына қалдырылып, ұзақ жылдар «мараторий» жарияланып, құлыпталып берік бекітілген осы мәселенің бүгінде кілті табылып, оң шешілуі бұдан кейінгі де жақсы істердің бастамасы деп білеміз.

Қомақты бір папкаға тізбектелген осы мәселе төңірегіндегі өткен уақыттардағы облыстық ономастика құжаттарына көз жүгіртсек, айтылмаған сөз, жазылмаған қағаз қалмағанын көреміз. Басқа да қоғамдық ұйымдармен бірлесе отырып, бұл мәселеге облыстық «Қазақ тілі» қоғамы да белсене араласқаны байқалады. Тізімде

Ғасыр тұлғасына ұрпақтар тағзымы

27 құжат тіркелген. Соның ішінде Қажекеннің өмір жолын зерттеп, жинақтаған туындысын М. Горькийдің ұйымдастыруымен дүниеге келген «Жизнь замечательных людей» антологиясына алғаш рет енгізген белгілі жазушы Медеу Сәрсекеевтің, Қ. Сәтбаев атындағы Халықаралық қордың президенті Көкімбек Салықовтың, академик А. Сағыновтың тағы басқа да ел азаматтарының облыс, қала әкімдеріне, қалалық мәслихатқа, облыстық ономастикалық комиссияға ғалым есімін қаламыздың бір көрнекті көшесіне беруді өтініп жазған хаттары бар.

Әр жемістің өзінің пісіп жетілетін мезгілі бар. Бұл іс те өз мезгілінде орындалған болар. «Сабыр түбі сары алтын» дейді дана халқымыз. Ел ағаларын алаңдатып ойландырған, бүкіл өлке жұртшылығының, одан қалды жалпы ұлтымыздың намысына тиіп, көңіліне қаяу салған осындай келеңсіз жәйттің дұрыс шешілуі – ең адымен облыс әкімі Даниял Ахметовтың тікелей ықпал етуінің нәтижесі деп білеміз. Өйткені құжаттардан Дәкеннің бұл істің басы-қасында болғаны байқалады. Жаңағы тізімдегі ең бірінші тіркелген Ж. Аймаутов атындағы театр ұжымының хаты да осы кісінің атына жолданыпты. Өзі бастаған ісін өзі нәтиелі аяқтаған Дәкен енді міне халқының ризашылығына бөленіп, елінің еңсесін бір көтеріп тастады десек, асыра айтпаған болармыз. Халқының жоғары мақсат-мүддесі дегеннен көріне білу, ел игілігіне шынайы қызмет ету нағыз азаматтықтың белгісі. Әрдайым ойға алған орынды істеріңіз жемісті аяқталып, арман бітінен көріне беріңіз деген тілек білдіреміз.



Осы орайда қаламыздағы ең өсем Дзержинский атаулы даңғылға академик Сәтбаев есімін беруге белсене араласып, атсалысқан қала әкімі Н.И. Чмыкка, облыстық ономастикалық комиссияның төрағасы О. Қ. Қожановқа және бұл іске қолдау көрсеткен көзі ашық, көңілі ояу, түсінігі мол, парасатты басқа да қазақ, орыс тағы басқа ұлт өкілдері азаматтарына да ризашылығымызды білдіріп, рахметімзді айтқымыз. Бұл дегеніміз – шынайы достықтың, бір-бірімізге деген сенімнің, адалдықтың айқын айғағы. Әрқашанда осы жолдан таймайық, бірлігіміз нығая, беки берсін дегіміз келеді.

**Мұрат Әбдірахманов,
облыстық «Қазақ тілі»
қоғамының төрағасы.**